



Page: 5

Reach: 0

Country: BOSNIA AND HERZEGOVINA

Size: 218 cm2

1 / 1

Tužilac podsjetio na šest državljana BiH koji su poginuli na ratištu u Siriji, a za koje je tokom suđenja utvrđeno da su kontaktirali sa Bosnićem

Mirsada LINGO-DEMIROVIĆ

SARAJEVO - Najmanje šest mladih ljudi koje je Bosnić vrbovao i poslao tamo poginulo je na ratištu u Siriji. Oni bi se sada školovali i bili možda uzorni ljudi. Zašto Bosnić nije poslao svojih 18 djece da idu tamo.

Ovako se tužilac Dubravko Čampara obratio Sudskom vijeću u završnici suđenja Huseinu Bilalu Bosniću.

"Svjesno ih je poslao da idu u IS. Ne postoji nijedna olakšavajuća okolnost jer je štitiio svojih 18 djece, a slao tuđu. Zašto tuđu djecu nije upućivao da se školuju, nego ih je slao da poginu", rekao je Čampara.

Iznošenjem završnih riječi Tužilaštva BiH i odbrane, u Sudu BiH okončano je suđenje Bosniću, optuženom za javno podsticanje i vrbovanje na terorističke aktivnosti. Sudsko vijeće presudu je najavilo za 4. novembar.

Tužilac Čampara kazao je da je Tužilaštvo BiH, van svake sumnje, utvrdilo odgovornost Bosniću za sve navode iz optužnice, koja je podignuta 25. decembra 2014. godine. Podsjetio je i na šest državljana BiH koji su poginuli na ratištu u Siriji, a za koje je tokom suđenja utvrđeno da su kontaktirali sa Bosnićem, te prisustvovali njegovim predavanjima. Čampara je iznio i podatak SIPA da se na ratištu u Siriji, pod zastavom IS, bore 94 državljanina BiH, te da su se već 54 osobe vratile u BiH, a 26 njih je poginulo.

Kazao je da je javno podstrekavanje, vrbovanje i organizovanje terorističkih grupa presedan i da je do sada izrečena samo jedna presuda. Istakao je da se mora udovoljiti generalnoj prevenciji da se pošalje poruka svima koji

Iznošenjem završnih riječi okončano suđenje Huseinu Bilalu Bosniću



Bosniću prijeli 20 godina robije

PRESUDA
4. NOVEMBRA

Tuđu djecu poslao da ginu



Adil Lozo, Bosnićev advokat, kazao je da je optužnica neutemeljena
FOTO N. UGLJEŠA

ODBRANA SMATRA DA NIJE UTVRĐENO DA JE BOSNIĆ VRBOVAO LJUDE ZA ODLAZAK NA RATIŠTE I PRIDRUŽIVANJE IS

budu činili isto što i Bosnić ili odlazili na strana ratišta da će biti sankcionisani.

Tužilaštvo je predložilo i da Bosnić ostane u pritvoru dok ne bude upućen na izdržavanje zatvorske kazne. Tužilaštvo je zatražilo da se Bosniću izrekne najveća kazna zapriječena za ovo krivično djelo, koja može biti 20 godina. Adil Lozo, Bosnićev advokat, kazao je da je optužnica neutemeljena, te da u toku dokaznog postupka nije utvrđeno da je njegov klijent vrbovao ljude za odlazak na ratište i pridruživanje IS, te da nije dokazano ni to da je finansirao odlaske mladih ljudi na ratište. Odbrana je predložila da Sud donese oslobadajuću presudu jer Tužilaštvo ničim nije dokazalo da je Bosnić počinio krivično djelo koje mu se stavlja na teret.

Husein Bosnić obratio se na kraju Sudskom vijeću kazavši da

je njemu učinjena nepravda, te da je optužba protiv njega neutemeljena.

"Nikada nikome nisam sugerisao da ide na strano ratište niti sam finansirao odlaske na ratišta. Na svojim predavanjima i u hutbama tumačio sam vjeru u svim aspektima, a najmanje sam govorio o borbi na Allahovom putu", rekao je Bosnić.

Kazao je da musliman mora uvijek biti iskren i govoriti istinu ma koliko ona gorka bila. Dodao je kako nije sam, a niti je dao dozvolu da se njegove propovijedi stavljaju na internet, pojasnivši da se ne razumije dobro u tehniku. Podsjetio je na česte progone imama, popova, ali i mladih muslimana, te naglasio da živimo u jednom "dunjalučkom selu u jednom malom kompjuteru i medijskom ratu u kojem se često plasiraju neistinite informacije".